

Prétchemint do 21 di sètîmbe 2026

Beste Vrienden,

Van Harte welkom jullie allen die met ons hier in Namen de waalse feesten komen vieren.

Mins qui dj' so bièsse ! Gn-a-t-i bin on Flamind au mitan d' nos-ôtes tortos ? ...

Â, c'èst l' vraî, i-gn-a l' dwèyin d' Nameur : Bruno Decrem ! Vèyoz qu'i faut dès curés flaminds po chaper l'Èglîje di Nameur, don !

Èt vos èto, Monsègneûr ! Oyi don, vos-èstoz on Flamind. Dji m'a lèyî adîre qui v's-avoz viké à Lille dès-ans au long. N'èst-ç' nin li 'Flandre française'. Adon, binv'nûwe èmon nos-ôtes !

À RCF Sud Belgique, one fwârt boune radio, savoz, dj'a minme ètindu dîre qui vos v' mètoz à-z-aprinde li flamind. Crwèyoz-m' ! Ni pièrdoz nin vosse tims ! Vinoz avou nos-ôtes aus lèçons d' walon al sicole di Nameur. I-gn-a là qu' dès bons maîsses èt dame di scole. Li walon vos sièverè branmint d' pus, savoz ! Èt, ç' còp-là vos sèroz d'èmon nos-ôtes po d' bon. N'èst-i nin l' vraî, lès Soçons ?

D'ostant qu'one fauve di Nameur nos raconte qu'on djoû, on vî cinsî aveûve dècidé di dispinde li gayole. Insi, il a mètu one rèclame su l' gazète. Dji vind tot. Èt l' cia qui vout acheter l' cinse, i lî faut tot prinde avou : li tracteûr, lès machines, lès bièsses èt on baudèt, èto. Gn-a yeû qu'on Flamind po tot r'prinde.

Mins ni v'la-t-i nin qui quinze djoûs pus taurd, li baudèt raplique al cinse.

- Â non.na ! di-st-i l' cinsî, dji v's-a vindu à on Flamind. Dji n' vout pont d' misères avou ç't-ome-là, savoz, mi !
- Non.na cinsî ! Dji so là po r'prinde saquants-afaires, mins dji n' rivin nin po d' bon, savoz !
- Bin dovint, d'abôrd !
- Choûtoz bin ! Vêci, dj'èsteûve baudèt... mins vèlà, dji so maîsse di scole.

I m' chone qui ç' fauve-ci r'chone au bokèt d'èvanjîle qui n's-avans choûté ènawêre. Dj'è causerè bin rade.

Qu'il a fait tchôd, mès djins. Au mwès d' jun èt d' julèt, qui n's-avans souwer dès grossès gotes ! Come li dit li spot walon : « Chaque di nos pwèls aveûve si gote èt lès pus fortchus, 'nn'avin.n' deûs ! ». Èt on soçon m'a acèrtiné qu'i l' fieûve on solia à fé fonde dès crètons è l' pêle ! Nin dandjî d' feu !

Mins gn-a-t-i d's-ôtès novèles à Nameur ! Fwârt wêre mi chone-t-i ! Pont d' chance, d'abôrd ... Dji n' vos saureûve fé rîre à disfaufiler vosse botroûle cite anéye-ci.

Portant, mirauke, on-z-a douvièt l' novia palais d' justice. Qué lumecinadje qui ça a sfî cor on côp !

Mirauke on-z-a trové dès liârdès assez po r' fait l' vôle pad'vant lès contribucions. C'èst l' vraî qu'i n'a nin falu couru long po lès ramèchener cès caurs-là, dandjireûs !

Asteûre, mès Djins, causans one miète di Babèl. Dj'inme co bin, ô mi, ci tèce-là.

On djoû, onk di nos profèsseûrs do sèminaire nos-aveûve dit : 'Si l' bon Diè a d'chindu po r'waîfî çu qui s' passeûve su l' tère, il a rademint compris qu'i lî faleûve foute li pètche dins l' lingadje dès djins'. Èt l' maîsse d'acèrtiner : « Fians-lès causer flamind, i n' si compudront pus ! » I m' chone qui c'èst bin l' vraî, dwé ! Avoz d'djà r'waîfî lès novèles al télévision flaminde ? Quand one saquî d' Hasselt, one d'Anvers ou bin one di La Panne rèspond à one quèsse d'on gazètî, lès-ôtes Flaminds n' lès compudenut nin. Il l'zî faut absolument mète dès sous-tites. Adon, il aveûve bin raîson, don, nôte ome ! Quand l' bon Diè l's-a fait causer flamind, leû lingadje s'a tot comachî.

Fwârt avant, l'istwêre di Babèl nos raconte qui, di ç' tîmps-là, l'ome ni sondjeûve qu'à on seûl lingadje. Ostant dire qu'il aureûve tot l' pouvwêr. L'ome vout todi griper pus wôt èt s' prinde po l' bon Diè, qwè ! Dins sès-idéyes di grandeû, i n' vout pont d' difèrince. I n' vout ètinde qu'one seûle vwès, qu'one seûle pinséye. One manière po qu' tot l' monde rote drwèt èt aye aus cias qui n' sauront chûre. Ostant dire qui cès djins-là sèront spotchîyes ... !

Quand nos vèyans çu qu' Israël faît aus Palèstinyiens ou bin aus Libanais ? One vraïye botcheriye po cès peupes-là, don ! Èt nosse Donald Trump, li, i n' faît qu' chûre Nétanyahou po distrûre l'Iran pau bombes. On laîd mama qui , do tîmps dèl coupe do monde, a minme sifî j'qu'à d'ner on côp d' tèlèfone à s' soçon Gianni Infantino po qu'on candje lès régues do fotbal. Mins i m' chone qui po Infantino, li batch è-st-en trin d' si r'toûrner su l' pourcia. Portant, quand lès toûrsiveûs èt lès martchoteûs si rachonenut, vos vèyoz bin çu qu' ça done, dwé !

Ètur nos-ôtes, dj'a sfî binauje au d'là quand lès Bèljes ont foutu one bèle dispoûsseléye aus-Amèrikins.

C'èst l' vraî, don, tos cès rêves di grandeû-là nos-ont todi mwinrnés aus pîres momints d' noste istwêre. Èt c'èst co bin l' vraî au djoû d'audjoûrdu, dins branmint trop d' payîs !

Nosse bon Diè, qui do contraîre, li, i n' nos vout nin veûy tortos viker, pinser, èt crwêre dèl minme manière. Pace qui nos racènes avou totes leûs difèrînces, èle faîyenut nos ritchèsses, nos valeûrs, nos con'chances, nos momints d' fièsses.

Li bokèt d'èvanjîle, li, i nos présente on Jésus come tot bon Jwif. Il a si p'tite idéye su ç' feume-là què l' vint taner. Ca dispû dès sièkes, lès Jwifs ont cru qu'il èstin.n' on peûpe tchwèsi pa l' bon Diè, vos-ôtes ! Qu'il avin.n' li vèrité. Adon, i d'mèprîjin.n' èt r'waîfî d' truvîè, tos lès cias qui n' pinsin.n' nin èt qui n' vikin.n' nin come zèls. Au d'zeû do martchî, ci feume-là, c'è-st-one ètranjér' ... Oyi ça ! Jésus, c'èsteûve on bon Jwif.

Mins, come li, èst-ç' qui 'nn'avans nin, bin sovint, dès mwaîjès-idéyes quand nos causans dès Flaminds ou bin quand lès Flaminds causenut d' nos-ôtes ? Ci n'èst qu'one binde di Ménapyins, tos cès Flaminds dès gades-là ! I sont bourés d' caurs èt, come Marc Coucke, i rachètenut totes lès maujones à vinde èmon nos-ôtes. One vraïye pèsse !

Èt d' l'ôte costé dèl frontiére, i-gn-a dès djins po dîre : 'I n' vont nin awè dès clokes à leûs mwins, savoz zèls ! I n'ont jamaîs fwarçî su l'ovradje, binde di fénèyants !

Èt dji v's-è pôreûve co branmint raconter su cès bwagnès-idéyes-là.

Nosse soçon Djosèf (Dewez) a scrît on tèce là-d'ssu. Nos l'ètindrans tot-à l'eûre.

Li boune novèle di l'èvanjîle nos dit qu'à Jésus, i lî a falu candjî d'idéye èto. Èt il a c'mincî pa prinde li timps d' choûter èt d' comprinde çu qui l' feume lî v'neûve raconter. Èt il a yeû l' keûr tot r'tourné pa s' misére. Pôve djîn ! Aprume, ci n'est nin por lèye, qu'èle li vint trover. C'est po s' pitite fèye, qu'est prèssè à moru ! Po Jésus, l' cia ou l' cène qu'est là pad'vant li, i compte branmint d' pus qu' totes sès miséres èt tos sès toûrmints.

Jésus nos dit tofêr : "Vos-ôtes èto, vos-èstoz capabes di candjî ». I m' chone qui c'est l' boune novèle d'audjoûrdu. Apurdans à choûter l's-ôtes, à lès mia conèche èt à-z-awè fiyâte à zèls. Adon, nos sèrans capabes di veûy l'ôte come on soçon, minme li Flamind.

Au djoû d'audjoûrdu, li vicaîrîye n'est nin todi aujîye. Adon, fuchans dès-omes, dès feumes, dès djon.nes qui sayenut d' fé rèsculer lès bwagnès-idéyes su l's-ôtes, po bâti one Bèljique èwou-ç' qui nos sèrans binaujes au d'là d' viker èt d' fé l' fièsse èchone.

Chers amis,

Bienvenue vous tous qui venez fêter avec nous à Namur les Fêtes de Wallonie.

Mais que je suis bête ! Y-a-t-il bien un flamand au milieu de nous ?

Ah ! C'est vrai, il y a le doyen de Namur : Bruno Decrem ! Voyez, il faut des curés flamands pour sauver l'Église de Namur.

Et vous aussi, Monseigneur, vous êtes un flamand. Je me suis laissé dire que vous avez vécu à Lille des années durant. N'est-ce pas la 'Flandre française'. Alors, bienvenue chez nous !

À RCF Sud Belgique, une fort bonne radio, j'ai entendu dire que vous vous mettez à apprendre le flamand. Croyez-moi, vous perdez votre temps ! Venez plutôt avec nous aux leçons de Wallon à l'école de Wallon de Namur. Il y a là de bons professeurs. Le Wallon vous servira bien plus, savez-vous ! Et cette fois vous serez vraiment de chez nous. N'est-ce pas vrai, les amis ?

D'autant qu'une blague de Namur nous raconte qu'un jour un vieux fermier avait décidé de prendre sa pension. Ainsi, il a mis une publicité sur le journal. « Je vends tout. Et celui qui veut acheter la ferme doit tout prendre : le tracteur, les machines, les bêtes et un âne. Il n'y eut qu'un flamand pour tout reprendre.

Mais voilà que 15 jours plus tard, l'âne revient à la ferme.

- Ah mais non ! dit le fermier. Je t'ai vendu à un Flamand. Je ne veux pas avoir des ennuis avec cet homme-là, moi !
- Non, fermier ! Je suis seulement venu reprendre quelques affaires. Mais je ne reviens pas pour de bon !
- Pourquoi alors ?
- Écoutez bien ! Ici, j'étais un âne, mais là-bas je suis instituteur !

Il me semble que cette histoire ressemble quelque peu à la page d'évangile que nous venons d'entendre. J'y reviendrai.

Qu'il a fait chaud, mes amis ! Au mois de juin et de juillet, nous avons sué des grosses gouttes. Comme le dit le dicton wallon : « Chaque poil avait sa goutte de sueur et les plus fourchus en avaient deux ». Un ami m'a certifié que le soleil tapait tellement fort que les crêtons cuisaient dans la poêle. Il n'était pas nécessaire d'allumer le feu.

Mais y a-t-il d'autres nouvelles à Namur ? Très peu, me semble-t-il ! Pas de chance, je ne pourrai vous faire rire aux éclats.

Pourtant, miracle, on a ouvert le nouveau palais de justice. Quelle lenteur encore, cette fois ! Miracle encore, on a trouvé assez

d'argent pour refaire la route en face des contributions. C'est vrai qu'il n'a pas fallu aller loin pour trouver cet argent-là !

Maintenant, les amis, parlons un peu de Babel. Moi, j'aime encore bien ce texte-là.

Un jour, un de nos professeurs au séminaire nous avait dit : « Si Dieu est descendu pour voir ce qui se passait sur terre, il a vite compris qu'il lui fallait brouiller leur langage. Et le professeur de certifier : « Faisons-les parler flamand, ils ne se comprendront plus ! » Il me semble qu'il avait bien raison. Avez-vous déjà regardé les informations à la télévision flamande ? Quand quelqu'un de Hasselt, d'Anvers ou bien de La Panne répond à une question d'un journaliste, les autres flamands ne les comprennent pas. Il leur faut absolument sous-titrer les réponses. Alors, notre homme avait bien raison. Quand Dieu les a fait parler flamand, leur langage s'est embrouillé.

Surtout, l'histoire de Babel nous raconte qu'en ce temps-là, l'homme ne pensait qu'à un seul langage. Autant dire qu'il aurait alors tout le pouvoir. L'homme veut toujours grimper le plus haut possible et se prendre pour Dieu. Dans ses idées de grandeur, il ne veut voir aucune différence. Il ne veut entendre qu'une seule voix, qu'une seule pensée. Une manière pour que tout marche droit et malheur à celui qui ne saura pas suivre. Autrement dit, ces personnes seront écrasées.

Quand nous voyons ce qu'Israël fait aux Palestiniens ou aux Libanais ! C'est une vraie boucherie pour ces peuples. Et Donald Trump, lui, ne fait que suivre Netanyahu pour détruire l'Iran sous une pluie de bombes. Un drôle de bougre qui, du temps de la Coupe du monde, est allé jusqu'à donner un coup de téléphone à son ami Giovanni Infantino pour que l'on change les règles du football. Mais il me semble que, pour Infantino, le bac est en train de se retourner sur le cochon. Pourtant, quand les manipulateurs et les retors se rassemblent, vous voyez ce que cela donne !

Entre nous, j'ai été tout heureux quand la Belgique a foutu une belle raclée aux Américains.

Il est bien vrai que tous ces rêves de grandeur nous ont toujours conduits aux pires moments de notre histoire. Et c'est encore bien vrai de nous jours, dans beaucoup trop de pays.

Au contraire, notre Dieu ne veut pas nous voir tous vivre, penser et croire de la même manière. Parce que nos racines avec leurs

différences, elles font nos richesses, nos valeurs, nos connaissances et nos moments de fête.

L'évangile, lui, nous présente Jésus comme tout bon Juif. Il a sa petite idée sur la femme qui vient le mettre à l'épreuve. Car depuis des siècles, les Juifs ont cru qu'ils étaient un peuple choisi par Dieu et qu'ils possédaient la vérité. Alors, ils méprisaient les autres. Du moins, ils regardaient de haut tous ceux qui ne pensaient pas ou qui ne vivaient pas comme eux. Et puis, cette femme est une étrangère. Oui ! Jésus était un bon Juif.

Mais comme lui, est-ce que nous n'avons pas des idées préconçues quand nous parlons des Flamands et bien quand eux parlent de nous ? Ce n'est qu'une bande de "Ménapiens tous ces 'flamands des gates'-là. Ils en ont plein les poches et, comme Marc Coucke, ils rachètent toutes les maisons à vendre chez nous. Une vraie peste !

De l'autre côté de la frontière, il y en a pour dire : « Il n'attraperont pas des cloches aux mains, eux ! Ils n'ont jamais forcé sur l'ouvrage, bande de fainéants ! Et je pourrais encore en raconter sur ces bêtes idées-là.

Notre ami, Joseph Dewez a écrit un texte là-dessus. Nous l'entendrons tout à l'heure.

La bonne nouvelle de l'évangile nous dit qu'à Jésus il lui a également fallu convertir ses idées. Il a commencé par prendre le temps d'écouter et de comprendre ce que la femme vient lui raconter. Il en a eu le cœur tout retourné. Pauvre femme, d'autant que ce n'est pas pour elle, mais pour sa fille qu'elle vient le trouver. Elle lui semble qu'elle va mourir. Pour Jésus, celle et ceux qui sont devant lui, comptent bien plus que toutes leurs misères et tous leurs tourments.

Jésus nous dit souvent : « Vous aussi, vous êtes capables de changer ». Il me semble que c'est la bonne nouvelle de ce jour. Apprenons à écouter les autres, à mieux les connaître et à faire confiance. Alors, nous serons capables de voir l'autre comme un ami, même le Flamand.

De nos jours, la vie n'est pas toujours simple. Alors, soyons des hommes, des femmes, des jeunes qui s'efforcent de faire reculer les idées préconçues sur les autres, pour bâtir une Belgique où nous serons heureux de vivre et de faire la fête ensemble.